

JOS IA BLONG JISAS KRAES BLONG OL LATA-DEI SENT
OFIS BLONG FAS PRESIDENSI
47 EAST SOUTH TEMPLE STREET, SALT LAKE CITY, UTAH 84150-1200

19-05-2020

Ol Dia Brata mo Sista:

Gobak long Sef Fasin long Ol Miting mo Ol Aktiviti blong Jos

Long 12 Maj 2020, Fas Presidensi mo Kworum blong Olgeta Twelef Aposol oli bin anaonsem se evri pablik kam tugeta blong ol memba blong Jos bae i stop blong smol taem raon long wol, hemia from KOVID-19 wol sik ia.

Wetem leta ia, mifala i stap givim raet blong samfala miting mo samfala aktiviti oli stat bakegen wetem sam limit, mo wetem fasin blong lukaot gud, mo i folem ol step. Ol Eria Presidensi bae oli wok wetem wan memba blong Kworum blong Olgeta Twelef Aposol mo Presidensi blong Olgeta Seventi we i stap lukaot long olgeta blong save disaed se, wetaem mo weaples ol miting oli save stat long ol eria blong olgeta. Bambae oli yusum wan fasin blong lukaotgud mo fasin blong stap obei long ol lokol rul; bambae oli talemaot long ol lida blong stek mo wod wetaem blong wok folem ol gaedlaen blong Step 1 o Step 2, mo wetaem blong gobak long ol standet praktis.

Nara pepa we i kam wetem leta ia i givim ol prinsipol mo ol ditel blong lidim rod blong mekem hemia; bae Ol Eria Presidensi oli save stretem ol samting folem ol situesen, olsem we i nid blong mekem. Wetem ol gaedlaen we Eria Presidensi i givim, mo wetem kaonsel we hem i gat wetem ol bisop, wanwan stek presiden bae i disaed long spesifik taem blong statembak ol miting mo ol aktiviti blong wod mo stek.

Mifala i glad tumas from fet blong ol memba blong yumi taem oli bin stap wosip long hom, mo mifala i stap talem tangkyu from ol blesing we bambae i kam taem yumi kam tugeta blong stap wosip mo gat ol aktiviti.

Wetem tru hat,








Fas Presidensi

Ol gaedlaen blong Gobak long Sef Fasin long Ol Miting blong Jos mo Ol Aktiviti

19-05-2020



Long 12 Maj 2020, Fas Presidensi mo Kworum blong Olgeta Twelef Aposol oli bin anaonsem se evri pablik kam tugeta blong ol memba blong Jos bae i stop blong smol taem raon long wol, hemia from KOVID-19 wol sik ia.

Ol Brata Lida ia bakegen, naoia, oli givim raet blong ol miting mo ol aktiviti oli save stat bakegen be folem ol step *taem we ol rul blong lokol gavman i letem hemia i hapen, mo taem we Ol Eria Presidensi oli sendem toktok i kam long ol lokol lida*. Taem we oli givim ol raet ia long ples we yu stap long hem, plis yufala i mas lukaotgud evriwan, mo mas plan wetem kea, mo kodinetem ol samting long wan wei we i folem tu long rul blong lokol gavman.

Ol Jeneral Gaedlaen

Wetem leta ia, plis faenem leta blong Fas Presidensi blong namba 16 Epril 2020, “[Ol Administresen Prinsipol long Ol Taem blong Jalenj](#),” wetem ol nara pepa ia: “[Ol Administresen Prinsipol long Ol Taem blong Jalenj](#)” mo “[Ol Daareksen blong Mekem Ol Stamba Odinens, Ol Blesing, mo ol Nara Wok blong Jos](#).” Mo tu, i gat wan nara refrens pepa “[Stap Fesem KOVID-19:Ansarem Ol Kwestin](#).”

Plis tingting long olgeta prinsipol mo gaedlaen ia we oli ademap:

- Lukaotgud evriwan mo yusum ol gudfala rul blong stap protektem helt mo sefti blong ol memba. Lukaotgud long ol memba we helt blong olgeta, o yia blong olgeta i mekem se bae oli stap long wan hae risk.
- Givim advaes long wanwan man, woman, yangfala o pikinini we i no stap filim gud, o oli bin askem olgeta blong oli putum olgetawan long kwarantn, o oli stap soem eni long olgeta saen ia, blong oli no mas kam long ol miting. Ol saen ia oli: fiva, kof, no pulum gud win, hed i soa, nus i ron, o trot i soa.
- Folem ol rul blong stap longwe long man, wasem han, mo ol nara praktis we oli tokbaot long “[Preventative Measures for Members](#).”
- Folem ol gavman rul long wanwan ples we yu stap long hem long saed blong ol pablik kam tugeta, olsem ol rul blong hamas man, hamas taem, mo longfala blong wanwan miting. Plis yufala i mas yusum ol rul blong gavman.
- Plis gobak sloslo long ol nomol praktis, gohed blong yusum teknoloji mo semtaem yusum ol fes tu fes miting folem wan rod we i folem ol step olsem oli tokbaot andanit ia. Oli mas putum i kam faswan ol fes tu fes kam tugeta we oli stap mekem ol odinens, olsem baptaes mo sakramen miting.

Ol gaedlaen blong Gobak long Sef Fasin long Ol Miting blong Jos mo Ol Aktiviti

19-05-2020

Rod we I Folem Step

Wetem raet blong ol memba blong Kworom blong Olgeta Twelef Aposol mo Presidensi blong Olgeta Seventi we i stap lukaot long olgeta, Ol Eria Presidensi bae oli talemaot long ol lida blong stek mo wod wetaem blong wok folem Step 1, o Step 2, mo wetaem blong gobak long ol nomol standet praktis. Jat we i stap daon ia i givim ol eksampol, mo Ol Eria Presidensi oli save jenisim blong i go stet wetem ol kondisen o situesen we i stap. Wetem ol gaedlaen we Eria Presidensi i givim, mo wetem kaonsel we hem i gat wetem ol bisop, wanwan stek presiden bae i disaed long spesifik taem blong statembak ol miting mo ol aktiviti blong wod mo stek.

Ol Miting.

Sabat Dei

Step 1:

Ol miting we oli katem i kam sot, wetem ol pipol we namba i save kasem 99, folem ol lokol gavman rul

Step 2:

Ol miting long mitinghaos wetem 100 o moa long 100 pipol, folem ol lokol gavman rul

Evri nara miting mo aktiviti, wetem ol fenerol, mo ol mared

Ol miting we oli katem i kam sot, folem ol lokol gavman rul, o oli save holem wetem yus blong teknoloji

Ol miting long mitinghaos bae oli save holem folem ol rul blong lokol gavman.

Sosol Spes. Tingting long sam wei blong holemtaet wan stret fasin blong ol man oli stap longwe smol long olgeta long taem blong ol miting mo ol klas, mo long taem blong kam insaed mo kamaot long japel mo ol klasrum. Olgeta pipol we oli kamaot long wan sem haos oli save sidaon tugeta, be ol narawan, oli mas sidaon wetem sam spes bitwin olgeta. Bae i moa gud blong ol kwaea oli stop smol taem.

Taem i gat moa memba we oli wantem kam long Jos. Taem we i gat moa memba we oli wantem kam long Jos, mo namba i bitim ol gaedlaen antap ia, ol lida oli save holem sam moa miting long deitaem, o oli save invaetem ol memba blong kam evri tu wik.

Olsem sam oli kam long wan wik mo ol narawan oli kam long nara wik. Long ol ples we i gat moa long wan wod o branj we i stap go long wan mitinghaos, ol stek presiden oli mas, blong wan smol taem, stretem ol taem blong miting blong mekem se oli no ova long wanwan long olgeta.

Ol Eria wetem ol bigfala wod. Ol wod we oli gat bigfala namba blong ol pipol we oli stap kam long ol miting, bae oli nid blong wet smol bifo oli stat blong holem ol miting long Step 2 level. Ol wod ia, oli mas tingting tu blong holem ol miting evri tu wik blong ol grup blong ol memba, blong mekem se evri memba i save kam long Jos. Long ol Sandei we sam memba oli no tekpat insaed long wan mitinghaos, oli save holem ol hom wosip seves, mo taem we bisop i givim raet from, oli save holem sakramen long hom; wan prishud we i klin inaf i holem sakramen ia.

OI gaedlaen blong Gobak long Sef Fasin long OI Miting blong Jos mo OI Aktiviti

19-05-2020

Praemeri. Long taem blong ol Step 1 mo Step 2, ol lida oli save disaed se bae i gat neseri mo sam Praemeri klas blong ol smol pikinini, o nogat. Oli disaed tu se bae Praemeri i gat singsing taem mo klas o no.

Fasin blong stap klin. Ol lida oli mas meksua se oli mas klinim gud evriwan evri bilding afta wanwan miting, speseli ol eria we oli stap tajem olgeta, olsem ol handel blong doa, ol swij blong laet, mo ples blong dring wota, ol maekrofon, mo ol pulpit. Ol wod oli save putum ol saen insaed long ol toelet blong rimaenem ol pipol blong wasem han mo wei blong wasem han. Long ol ples we i gat, ol wod oli givim ol han alkol o sop long ol ples blong wet, o blong storian. Folem ol lokol gavman rul, oli save leftemap tingting blong ol memba blong yusum ol mask blong blokem fes. Ol wod oli save tingting blong stopem fasin blong printim ol program, hemia kasem we ol taem oli kambak long nomol bakegen.

Blesing blong ol pikinini. Bisop i save givim raet blong oli mekem ol blesing long hom blong famli o long mitinghaos.

Baptaes mo konfemesen. Ol baptaes mo konfemesen oli nidim raet blong ol prishud lida we oli holem ol stret ki. Ol seves blong baptaes, bae oli save holem wetem wan smol namba blong ol pipol nomo we i no ova long 4, mo sapos oli givim raet from, i save gat moa. Ol narawan oli save luk baptaes ia tru long teknoloji. Kasem taem we ol sakramen miting oli kambak long nomol taem, bae oli konfemem ol konvet stret afta long baptaes blong olgeta, be i no long wan sakramen miting. Bae oli save givim Aronik Prishud long olgeta we oli ol man, folem stret yia blong olgeta, folem baptaes mo konfemesen blong olgeta, mo anda long daareksen blong bisop.

Blesem mo Pasem Sakramen—OI Jeneral Prinsipol

Blong help blong kipim ol memba oli stap helti mo oli stap sef, olgeta we oli holem prishud, long evri kes mo taem, oli mas folem ol jeneral gaedlaen ia taem we oli stap rere, mo taem oli stap pasem sakramen, i nomata weaples nao oli pasem sakramen:

- Olgeta we oli holem prishud we oli no filim gud long helt blong olgeta, oli mas stap long hom nomo.
- Taem we i gat, olgeta we oli holem prishud oli sapos blong werem ol fes mask taem we oli stap rere, stap blesem, mo stap pasem sakramen.
- Bifo oli rere, blesem, o pasem sakramen, olgeta we oli holem prishud ia oli mas wasem gud han blong olgeta wetem sop mo wota blong 20 seken o moa. Sapos i no posibol blong wasem han, oli mas yusum wan wota we i gat alkol insaed long hem blong wasem han. Oli mas traem bes blong no sekhan, o tajem ae, nus, o maot bifo oli rere, blesem, o pasem sakramen.

OI gaedlaen blong Gobak long Sef Fasin long OI Miting blong Jos mo OI Aktiviti

19-05-2020

- Evriwan i mas kavremap kof o nus blong olgeta wetem wan pepa tawel. Afta, oli mas sakem pepa tawel ia i go long tin doti, mo oli mas wasem han o putum alkol wota long han blong olgeta, blong klinim han blong olgeta. Ol ples olsem ol trei blong sakramen, wetem handel blong trei ia, oli mas wasem gud, o oli mas klinim gud wetem alkol.

Stap Blesem mo Pasem Sakramen long OI Hom

- Sam memba bae oli no save kam tugeta blong wan smol taem mo oli mas givhan long olgeta wanwan. Sapos i nid, ol bisop oli save gohed mo givim raet long ol prishud we oli klin inaf blong rere, mo blesem mo pasem sakramen long ol hom. Sapos i no gat wan man we i klin inaf mo i holem prishud insaed long hom, bisop bae i save givim raet long ol nara man we oli holem prishud mo oli klin inaf, insaed long wod, blong oli rere, blesem mo pasem sakramen insaed long hom blong ol memba we oli askem.

Stap Blesem mo Pasem Sakramen long OI Mitinghaos*

- Ol bisop oli save tingting blong stretem sam wei blong stap pasem sakramen. Eksampol: oli save askem ol memba blong oli sidaon long wan stul mo nara stul i fri, o oli putum ol jea we i gat spes bitwin olgeta blong mekem se olgeta we oli holem prishud oli save wokbaot long fored blong evri memba blong presentem ol trei blong sakramen, be i no blong wanwan memba i holem trei blong pasem.

**Sam foto we oli soem olsem wanem oli save putum ol prinsipol ia long praktis, i stap long [Newsroom.ChurchofJesusChrist.org](https://www.churchofjesuschrist.org/newsroom).*